



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: UP-1/21-3-40-046-6/22
Datum: 09.03.2022. godine

„Agencija za vodno područje rijeke Save“ Sarajevo rješavajući po zahtjevu pravnog lica Rudnici mrkog uglja „Banovići“ d.d. Banovići za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku eksploatacije uglja i odlaganju otkrivke na PK „Grivice“, općina Banovići, Lukavac i Živinice, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu Rudnici mrkog uglja „Banovići“ d.d. Banovići daje se vodna dozvola za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku eksploatacije uglja i odlaganju otkrivke na PK „Grivice“, općina Banovići, Lukavac i Živinice.

2. Ova vodna dozvola se odnosi isključivo za aktivnost ispuštanja tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta na lokaciji kompleksa objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav (2) tačke 1. i 2. Zakona o vodama.

3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokalitetu i pod slijedećim uslovima:

3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.

3.2. Da se objekti čija je svrha odvođenje i prečišćavanje voda (separatori ulja, masti i naftnih derivata sa koalescentnim filterom, slivnici, rešetke, kanali, betonski taložnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.

3.3. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20), te pojedinačne i zbirne godišnje izvještaje dostave Agenciji u skladu sa članom 23. iste Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

3.4. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 18. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

- 3.5. Skladištenje i pretakanje nafte i naftnih derivata vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
- 3.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.7. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.8. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.9. U toku izvođenja radova kao i same eksploatacije iskopani materijal (mineralna sirovina/jalovina) ne smiju ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet godina od pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice Rudnici mrkog uglja „Banovići“ d.d. Banovići obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku eksploatacije uglja i odlaganju otkrivke na PK „Grivice“, općina Banovići, Lukavac i Živinice.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A- Opšta dokumentacija

- Rješenje o izmjenama podataka, broj: 032-0-Reg-21-001671 od 27.10.2021. godine izdato od strane Općinskog suda u Tuzli – ovjerena kopija,

- Uvjerenje o poreznoj registraciji od 30.03.2010. godine izdato od strane Kantonalnog poreznog ureda Tuzla – ovjerena kopija,
- Rješenje o urbanističkoj saglasnosti, broj:03-364-1581 od 07.11.1985 godine izdata od strane Republičkog komiteta za urbanizam, građevinstvo, stambene i komunalne poslove Sarajevo – kopija,
- Rješenje o produženju dozvole za površinsku i podzemnu eksploataciju mineralne sirovine, Up/I broj:06-18-182/11 od 12.09.2011. godine izdato od strane Federalnog ministarstva energije, rudarstva i industrije – kopija,
- Rješenje o odbrenju za izvođenje radova po „Dopunskom rudarskom projektu pumpne stanice pretakališta „Grivice“, broj:1114/04 od 04.03.2004. godine izdato od strane Rudnici mrkog uglja „Banovići“ - kopija,
- Ugovor potpisan sa „Delta petrol“ d.o.o. Kakanj za dežurstvo, rad i zbrinjavanje otpada u slučaju pojave ekološkog incidenta, broj: 981/19 od 12.06.2019. godine – kopija,
- Rješenje o vodnoj dozvoli, broj: UP-I/25-3-40-672-4/16 od 27.02.2017. godine izdato od strane Agencije za vodno područje rijeke Save” Sarajevo – kopija,
- Rješenje o vodnoj dozvoli, broj:04/1-13-25-11329/17 od 20.04.2018. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Rješenje o okolinskoj dozvoli, broj:UP-I 05/2-23-11-79/17 od 17.11.2017. godine izdato od strane Federalnog ministarstva okoliša i turizma – kopija,
- Ugovor potpisan sa „Komins“ d.o.o. Tuzla za uslugu rada vozila „WOMA“ na poslovima crpljenja separatora septičkih jama i odštopovanja kanalizacije u RMU „Banovići“ d.d. Banovići broj: 144/21 od 10.04.2021. godine sa računom broj: 129/21 – kopija,
- Račun broj:00789/21 od 09.09.2021. godine izdat od strane Kemeko-BH d.o.o. Lukavac – kopija,
- Ugovor potpisan sa „Kemis BH“ d.o.o. Lukavac za zbrinjavanje starih (rabljenih) uljnih filtera, broj: 94/20 od 24.04.2020. godine i broj: 969/20 od 21.09.2020. godine sa Računima i transportnim listovima broj.00789/21 od 09.09.2021. godine i 00578/21 od 24.06.2021. godine – kopije,
- Ugovor za čišćenje taložnih bazena i separatora u rudniku „PEU“, broj:696 od 14.07.2021. godine potpisan sa „Delta Petrol“ d.o.o. Kakanj – kopija,
- Ugovor potpisan sa „Kemeko-BH“ d.o.o. Lukavac za zbrinjavanje opasnog otpada, ambalaže onečišćenja opasnim otpadom (prazne bačve od ulja i masti), broj: 343/21 od 15.04.2021 godine sa pratećim transportnim listom br. 448-04/21 od 21.04.2021. godine – kopija,
- Ugovor potpisan sa „Delta petrol“ d.o.o. Kakanj za zbrinjavanje zauljene ambalaže (metalna burad), broj: - od - godine sa transportnom dokumentacijom br. 2546/21 od 29.11.2021. godine, br. 2658/21 od 02.12.2021. godine, br. 2540/21 od 29.11.2021. godine, br. 1525/21 od 03.09.2021. godine, br.1480/21 od 14.07.2021. godine, br.1460/21 od 13.07.2021. godine, br.1452/21 od 12.07.2021. godine – kopije,
- Ugovor potpisan sa „Kemis BH“ d.o.o. Lukavac, broj: 389/20 od 17.04.2020. godine za zbrinjavanje starog transformatorskog ulja koje sadrži ili ne sadrži PCB sa Računom i transportnim listovima 339-04/20 i 338-04/2 od 04.05.2020. godine – kopija,
- Ugovor potpisan sa „Benjdin“ d.o.o. Banovići (prodaja sekundarnih sirovina i strugotine), broj:1120/20 od 16.10.2020. godine – kopija,
- Otpremnica od 28.05.2021. godine sa Zapisnicima o radovima na pranju i čišćenju, broj:04-05/21, broj:05-05/21 od 20.05.2021. godine izdata od strane „Delta petrol“ d.o.o. Kakanj – kopija,
- Račun, broj:50457/21 od 31.10.2021. godine izdat od strane JP „Vodovod i kanalizacija“ d.o.o. Banovići – kopija,
- Ugovor broj:143/2011. od 09.02.2011. godine potpisan sa JP „Komunalno“ d.o.o. Banovići – kopija,
- Anex Ugovora, broj: 313/2013 od 01.04.2013. godine potpisan sa JP „Komunalno“ d.o.o. Banovići – kopija,
- Dokaz o uplaćenju federalnoj upravnoj pristojbi na zahtjev

B- Tehnička dokumentacija

- Tehničko upustvo za održavanje i rad sa uređajima za crpljenje vode na površinskom kopu, Oznaka: TUP.630-01/08, broj:4441/21 od 06.12.2021. godine,
- Upustvo o izuzimanju, distribuciji, korištenju i praćenju ulja, Oznaka:UP.630-01/08-09/13-19 urađeno od strane RMU „Banovići“ d.d. Banovići,
- Tehničko upustvo za prečišćavanje oborinskih i tehnoloških otpadnih voda sa platoa stanice za snabdijevanje gorivom motornih vozila na PK „Grivice“ pomoću separatora AQUAREG NG 6+600, Oznaka:TUP.630-01/08 od 03.12.2021. godine,
- Tehničko upustvo za prečišćavanje oborinskih i tehnoloških otpadnih voda sa platoa za dnevni pregled i primopredaju mahanizacije na PK „Grivice“ pomoću separatora AQUAREG NG 15+1500, Oznaka:TUP.630-01/08 od 03.12.2021. godine,
- Izvještaj o monitoringu kvaliteta i kvantiteta otpadnih voda, P1/2, septembar 2021. godine urađen od strane TQM d.o.o. Lukavac,
- Glavni projekat tehničkog rješenja prikupljanja, tretmana i ispuštanja tehnoloških otpadnih voda sa PK Grivice RMU „Banovići“, urađen od strane JPVD „Spreča“ d.d. Tuzla, januar 2014. godine. Projektna dokumentacija je revidovana od strane „Institut za hidrotehniku d.d. Sarajevo, februar 2016. godine,
- Glavni projekat „Tehničko rješenje prikupljanja, tretmana i ispuštanja tehnoloških otpadnih voda sa platoa stanice za snabdijevanje gorivom motornih vozila i platoa za dnevni pregled i primopredaju mehanizacije površinskog kopa Grivice RMU Banovići“ urađena od strane „Institut za hidrotehniku“ d.d. Sarajevo, april 2016. godine. Projektna dokumentacija je revidovana od strane „ES Hydrotechnics“ d.o.o. Sarajevo, april 2016. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 26/20) izvršen je uviđaj na lokalitetu i tom prilikom sačinjen Zapisnik o izvršenom uviđaju broj: UP-1/21-3-40-046-3/22 od 03.03.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Na terenu je izgrađen sistem unutrašnjeg i vanjskog uređenja površina- plato za dnevni pregled i primopredaju mehanizacije. Plato je betoniran, ovičen sa izgrađenim slivnicima prema sabirnom šahtu (taložnik) nakon kojeg se istaložena voda odvodi do separatora ulja i masti kapaciteta $Q = 15$ l/s. Nakon separatora voda se preko monitoring okna upušta u recipijent- potok Ostružna. Izvršen je tehnički prijem izgrađenog objekta i sačinjeno je Tehničko upustvo za prečišćavanje oborinskih i tehnoloških otpadnih voda sa platoa za dnevni pregled i primopredaju mehanizacije na PK „Grivice“ pomoću separatora AQUAREG NG15+1500 Oznaka:TUP 630-01/08.
- Na terenu je izgrađen sistem i izvršen je tehnički prijem objekata platoa stanice za snabdijevanje gorivom motornih vozila na PK „Grivice“. Radno-manipulativni prostor je betoniran i zauljena voda se putem slivnika sa rešetkom odvodi do taložnika, nakon taloženja voda se odvodi do separatora ulja i masti $Q = 6$ l/s, nakon čega se preko monitoring okna upušta u etažni kanal koji gravitira ka P.K. „Grivice“. Sačinjeno je Tehničko uputstvo za prečišćavanje oborinskih i tehnoloških otpadnih voda sa platoa stanice za snabdijevanje gorivom motornih vozila na PK „Grivice“ pomoću separatora AQUAREG NG 6+600 Oznaka TUP.630-01/8.
- Skladištenje nafte se vrši u čeličnom podzemnom rezervoaru zapremine $V = 100$ m³, sa ugrađenim sondama za mjerenje nivoa nafte u spremniku.
- Atmosferska voda koja padne na prostor P.K. Grivice uključujući i druge površinske vode se taloži u neaktivnom dijelu površinskog kopa. Voda se putem pumpnih postrojenja evakuira van površinskog kopa u taložne bazene. Izgrađena su tri zemljana taložna bazena (kaskadna) nakon kojih se voda preko preliva upušta u potok Ostružna.

- Oborinske vode koje padnu na odlagalište površinskog kopa se skupljaju prirodnim vodotokom na kojem je izgrađen taložni bazen iz kojeg se voda preko preliva upušta u Prilučku rijeku.
- Zbrinjavanje starih (rabljenih) uljnih filtera vrši se po ugovoru potpisanom sa „Kemeko BH“ d.o.o. Lukavac.
- Zbrinjavanje zauljene ambalaže (metalna burad) vrši po ugovoru „Delta petrol“ d.o.o. Kakanj.
- Zbrinjavanje opasnog otpada, ambalaže onečišćenja opasnim otpadom (prazne bačve od ulja i masti) po ugovoru vrši „Kemeko-BH“ d.o.o. Lukavac.
- Zbrinjavanje starog transformatorskog ulja koje sadrži ili ne sadrži PCB po ugovoru vrši „Kemeko BH“ d.o.o. Lukavac.
- Za dežurstvo, rad i zbrinjavanje otpada u slučaju pojave ekološkog incidenta potpisan je ugovor sa „Delta petrol“ d.o.o. Kakanj.
- Čišćenje taložnih bazena i separatora u rudniku „PEU“ vrši „Delta Petrol“ d.o.o. Kakanj.
- Uslugu rada vozila „WOMA“ na poslovima crpljenja separatora, septičkih jama i odštopovanja kanalizacije u RMU „Banovići“ d.d. Banovići po ugovoru vrši „Komins“ d.o.o. Tuzla.
- Prodaja sekundarnih sirovina i strugotine (špene) po ugovoru vrši „Benjdin“ d.o.o. Banovići.
- Ispitivanje kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za P.K. „Grivice“ vrši „Inspekt RGH“ d.o.o. Sarajevo. Rezultati analiza ukazuju da nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije.

U prethodnom periodu od dana izdavanja Rješenja o vodnoj dozvoli, broj: UP-I/25-3-40-672-4/16 od 27.02.2017. godine izdatog od strane Agencije za vodno područje rijeke Save Sarajevo pravno lice nije vršilo izgradnju dodatnih sadržaja, objekata ili izmjenu infrastrukture- hidro fazu, tj. na terenu nije došlo do promjene u odnosu na projektovano stanje.

Realizacija na eksploataciji mineralne sirovine se odvija u skladu sa DRP druge etape razvoja površinskog kopa „Grivice“ RMU Banovići- Tehničko rješenje razvoja frontova rudarskih radova na uglju i otkrivci u periodu 2019.-2031. godine, urađen od strane „Rudarski institut“ d.d. Tuzla, decembar 2019. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva Rudnici mrkog uglja „Banovići“ d.d. Banovići ispunio minimum uslova za izdavanje vodne dozvole za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku eksploatacije uglja i odlaganju otkrivke na PK „Grivice“, općina Banovići, Lukavac i Živinice, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- RMU „Banovići“ d.d. Banovići
Ulica Armije BH br. 52. 75290 Banovići, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava